

孫氏醫學叢書

明堂孔穴  
鍼灸治要

冊九

明堂孔穴鍼灸治要目錄序

明堂孔穴卷一

頭部經穴第一

面部經穴第二

頸項部經穴第三

肩部經穴第四

腋部經穴第五

脅部經穴第六

胸部經穴第七

腹部經穴第八

背部經穴第九

手部經穴第十

足部經穴第十一

經穴圖第十二

鍼灸治要卷二

例

刺禁

禁灸

傷寒熱病

依舊爲兩篇  
列證頗雜

陽明發熱狂走

風

此篇列證亦雜凡  
風證多見其中

瘧

霍亂

下利

水腫

石水

風水

水飲

消渴 黃瘰

寒熱

瘡 大小

張

顛狂 顛不昏小兒

頭痛

目病

耳病

口齒病

鼻病

咽喉病

瘡

肩背痛

胸脅滿痛

心痛

欬逆上氣

腹張滿 腸中鳴 短氣

腹中積聚

要痛

息賁 賁肫

諸疝

少腹腫不得小便

遺溺 癰

不得大小便

痔 脫肛

瘰

痿

情志病

虛勞

脈代治法

尸厥

不得臥 肉苛

身腫 癰疽 厲 浸淫

瘰癧

婦人雜病

小兒雜病

序曰明堂孔穴僅見隋志據甲乙經序實與鍼灸治要爲一書意者

猶老子以道德二經分帙與

吳澄謂老子上卷篇首言道下卷篇首言德故名道德經一書分卷立名僅

見去古既遠疾病多端有非方藥所能盡治者余於是取甲乙經所

載彙爲二卷列八圖以明之據千金外臺以校之其言某病主定某  
穴與內經以五輸分主五時法不同其於手少陰經別立五輸與內  
經以手厥陰穴代之者亦不合其刺之淺深與灸之壯數各有定制  
亦不若內經臨病斟酌不爲拘執之無弊皇甫謐迺謂三部同歸又  
疑其錯互非一其抑知各自爲書而不可彊使之合與其引易曰觀  
其所聚而天地之情事見矣若專謂合素問九卷以還內經之原焉  
則可也內經十八卷東漢時雜取九卷名素問其餘九卷無別名據  
甲乙經及大素注直稱九卷可證也鍼經靈樞九靈九樞等  
名皆後人所命又在素問後兩經既分其文詞之嘉者人爭取之故  
類多重複謚合而刪之是也但不可與明堂孔穴鍼灸治要相參爲  
雜病論自亂其例邪其所載孔穴皆以部爲次是則本於內經若網

在綱披尋既易與後世以十二經分隸者實相懸殊檢外臺所列各

經之穴出入不同

如督脈孔穴并入膀胱經任脈孔穴并入腎經又  
如中府雲門不屬肺而屬脾如斯之類不一而足

而一穴之中有數經脈氣所共會者欲辨定專爲某經所發固無由  
也諸子百家遠託黃帝者多矣豈能盡出一轍邪要其言之足以輔

翼內經斯取焉耳鍼灸諸書未有古於是者惜乎經謚之錯亂未能復其全也已酉閏月孫鼎宜序

明堂孔穴卷一

湘潭孫鼎宜撰

頭部經穴第一

神庭

神庭在髮際直鼻

直當

督脈足太陽

膀胱

陽明

胃

之會

三

明

堂

經

脈

氣

注

會謂禁不可刺

依下文例當

令人顱疾目失精灸三壯

上星

上星一穴

一穴二字依前

在顱上直鼻中央入髮際一寸陷者中可

容豆督脈氣所發刺入三分留六呼灸三壯

顱會

顱會在上星後一寸骨間陷者中督脈氣所發刺入四分灸五壯

前頂

以上銅人

前頂在顱會後一寸五分骨間陷者中督脈氣所發刺入四分灸五

壯

百會

百會一名三陽五會在前頂後一寸五分頂中央旋毛中陷可容指

督脈足太陽之會刺入三分灸三壯

後頂

後頂一名交衝在百會後一寸五分枕骨上督脈氣所發刺入四分

灸五壯

強間

強間一名大羽在後頂後一寸五分督脈氣所發刺入三分灸五壯

囟戶

囟戶一名匣風一名會額在枕骨上強間後一寸五分督脈足太陽

之會此別囟之會不可灸

灸上當脫刺字內經刺頭中囟戶入囟立死

令人瘖

句首疑脫刺灸二字

風府

風府一名舌本在項上入髮際一寸大筋內宛宛中疾言其肉立起  
言休其肉立下督脈陽維之會禁不可灸灸之令人瘖刺入四分留  
三呼

瘖門

瘖門一名舌橫一名舌厭在後髮際宛宛中入繫舌本督脈陽維之  
會仰頭取之刺入四分不可灸灸之令人瘖

氣府注去  
風府一寸

右頭部中行前後凡十穴

銅人俱  
屬督

曲差

曲差一名鼻衝俠神庭兩旁各一寸五分在髮際足太陽脈氣所發  
正頭取之刺入三分灸五壯

五處

五處在督脈旁去上星一寸五分足太陽脈氣所發刺入三分不可

灸

承光

承光在五處後二寸足大陽脈氣所發刺入三分禁不可灸

通天以上銅人在面部

通天一名天白在承光後一寸五分足大陽脈氣所發刺入三分留

七呼灸三壯

絡卻

絡卻一名強陽一名囟蓋在通天後一寸三分足大陽脈氣所發刺

入三分留五呼灸三壯

玉枕

玉枕在絡卻後七分俠囟戶旁一寸三分起肉枕骨上入髮際三寸

足大陽脈氣所發刺入三分留三呼灸三壯

天柱

天柱在俠項後髮際大筋外廉陷者中足大陽脈氣所發刺入二分

留六呼灸三壯

右頭部第二行左右凡十四穴

銅人俱屬足太陽

臨泣

臨泣當目上眥直入髮際五分陷者中足太陽少陽陽維之會刺入三分留七呼灸五壯

目窗

目窗一名至榮在臨泣後一寸足少陽陽維之會刺入三分灸五壯

正營

三穴銅人在面部

正營在目窗後一寸足少陽陽維之會刺入三分灸五壯

承靈

承靈在正營後一寸五分足少陽陽維之會刺入三分灸五壯

囟空

囟空一名顛顛在承靈後一寸五分俠玉枕骨下陷者中足少陽陽

維之會刺入四分灸五壯

風池

風池在顓顓後髮際陷者中足少陽陽維之會刺入三分留二呼灸

三壯

右頭部第三行左右凡十二穴

銅人俱屬足少陽

頷厭

頷厭在曲周顓顓上廉手少陽足陽明之會刺入七分留七呼灸三

壯

懸顓

懸顓在曲周顓顓中足少陽脈氣所發刺入三分留七呼灸三壯

懸釐

懸釐在曲周顓顓下廉手足少陽陽明之會刺入三分留七呼灸三

壯

曲鬢

曲鬢在耳上入髮際曲隅陷者中鼓頷有空足大陽少陽之會刺入三分灸三壯

率谷

率谷在耳上入髮際一寸五分足大陽少陽之會嚼而取之刺入四分灸三壯

天衝

天衝在耳上如前三寸

如往也寸一作分

刺入三分灸三壯

氣府注足大陽少陽之會

浮白

浮白在耳後入髮際一寸足大陽少陽之會刺入三分灸二壯

竅陰

竅陰在完骨上枕骨下搖動應手足大陽少陽之會刺入四分灸五壯

完骨

以上銅人  
屬足少陽

完骨在耳後入髮際四分足太陽少陽之會刺入二分留七呼灸七壯

角孫

銅人在  
面部

角孫在耳廓中間開口有孔手足少陽手陽明之會刺入三分灸三壯

顱息

顱息在耳後間青絡脈足少陽脈氣所發刺入一分出血多則殺人灸三壯

瘰脈

瘰脈一名資脈在耳本後雞足青絡脈刺出血如豆汁刺入一分灸三壯

翳風

以上銅人  
屬手少陽

翳風在耳後陷者中按之引耳中手足少陽之會刺入四分灸三壯

右側頭部左右凡二十六穴

面部經穴第二

素竅

素竅一名面王在鼻柱上端督脈氣所發刺入三分禁灸

水溝

水溝在鼻柱下人中督脈手足陽明之會直脣取之刺入三分留七

呼灸三壯

兌端

一誤  
兌骨

兌端在脣上端手陽明脈氣所發刺入三分留六呼灸三壯

斷交

以上  
人屬銅督

斷交在脣內齒上斷縫中刺入三分灸三壯

氣府注任督  
脈二經之會

承漿

銅人  
屬任